

Mardamei

Pakon

Naibata



SURA –SURA NI NAIBATA

HADAMEION PAKON HAGOLUHON

1

Naibata mangkaholongi ham anjaha sihol ase marsimada ham bani hadameion pakon hagoluhon, aima goluh na marlobih-lobih anjaha manongtong.

Nini Bibel :

“...mardamei ma hita pakon Naibata, marhitei Tuhanta Jesus Kristus.” (Roma 5:1)

“Ai sonon do holong ni uhur ni Naibata bani dunia on, pala do Anakni na sasada in iberehon, ase ulang magou ganup na porsaya bani, tapi ase hagoluhan na sadokah ni dokahni bani.” (Johannes 3:16)

“Roh do Ahu, ase dong hagoluhan bani sidea, anjaha marlobih-lobih.” (Johannes 10:10)



Anggo domma isurahon Naibata ase marsimada hita bani hadameion pakon hagoluhan na marloboh-lobih, mase bahat ope halak na lang managahapkon atap mangalami si sonai ai?

MASALAH NI JOLMA

SIRANG HUMBANI NAIBATA

2


Naibata do na manompa hita songon rupa atap gambarNi, ase manggoluh hita ibagas malas ni uhur janah sonang. Seng ibahen hita songon robot, na otomatis iatur Naibata ase mangkaholongiSi janah patuh hubaNi. Ibere Naibata do hubani jolma kebebasan laho mamilih sihol ni uhurni.

Hape jolma in mamilih manlawan janah lang patuh hubani Naibata, tapi mandalankon harosuhni sandiri. Das bani panorang on pe gatinan do hita sonai. On ma mambahen sirang hita humbani Naibata.

Nini Bibel:

“Ai seng dong ubahni, sabonar haganup do sidea mardousa, anjaha seng dong sipujion i lobei ni Naibata (telah kehilanagn kemuliaan Allah).”
(Roma 3:23)

“Ai upah halani dousa, ai ma hamateian, tapi silayak-layak ni Naibata do hagoluhan na sadokah ni dokahni marhitei Kristus Jesus Tuhanta in.”
(Roma 6:23)




Buei do usaha na binahen ni jolma ase boi das hubani Naibata ...

Mulai na sapari das hubani sadari on, buei do usaha ni jolma sonaha ase boi das hubani Naibata. Sai iusahahon jolma in do tong laho mambahen dalam atap hitei (jembatan) bani lombang na manirang jolma pakon Naibata ai, marhitei bagei ni cara. Tapi otik pe lang dong hasilni.

Nini Bibel :

“Adong do dalan, pintor do ai nini uhur ni halak, hape ujungni gabe dalam hamateian do.” (Podah 14:12)

“Tapi hajahatonnima do tene manirang hanima humbani Naibata, anjaha dousanima mambahen lingod bohi Ni humbannima, gabe seng itangihon hanima.” (Jesaya 59:2)



DALAN HALUAHON HUMBANI NAIBATA

3

MARHITEI PARSILANG (SALIB)


Pitah Jesus Kristus do jawaban ni masalah on. Domma matei iparsilangkon la anjaha manggoluh humbani na matei, sonai ma la manggalar ganup uhuman halani dousanta anjaha gabe hitei (jembatan) ma la bai lombang panirang antara Naibata ampa jolma.

Nini Bibel :

"Ai sada do Naibata, anjaha sada do siholang ni Naibata pakon jolma, ai ma jolma Kristus Jesus in," (1 Timoteus 2:5)

"Ai Kristus pe matei do sahali halani dousa, la parpintor ai halani pargeduk, ase iboban hita hubani Naibata. Na tarbunuh do la ibagas pardagingon, tapi ipagoluh do ibagas partonduyon." (1 Petrus 3:18)

"Tapi Naibata, domma ipatalar holong ni uhurNi ai banta, ai ma marhitei na matei Kristus manghopkop hita, sanggah pardousa ope hita." (Roma 5:8)



TANGGAPAN NI JOLMA

MANINGON MANJALO KRISTUS

4


Ningon ihaporsayahon hita do dirinta hubani Jesus Kristus anjaha ningon ijalo hita do la marhitei pangindoan/tonggo pribadi.

Nini Bibel :

*“Tonggor ma, na jongjong do Ahu ilobei ni labah in manghartuki, atap ise namambogei sorangku anjaha iungkab labah ai, masuk ma Ahu hubani, mangan ma Ahu rapkonsi anjah ia rap pakon Ahu.”
(Pangungkapon 20:3)*

“Tapi barang piga na manjaloSi, hujai do ibere kuasa, ase gabe anak ni Naibata sidea, ai ma na porsaya bani goran-Ni.” (Johannes 1:12)

“Ai maluah ma ham, anggo isaksihon ham marhitei pamanganmu Tuhan Jesus, anjaha ihaporsayai ham ibagas uhurmu, na dob ipuhoi Naibata Ia humbani na matei.” (Roma 10:9)



**Sonaha, dong pe nani alasan atap hambatan ase lang mintor jaloonu
Jesus Kristus sonari?**

Na maningon sibahenonmu aima :

1. Akuhon ham ma bahasa na mardousa do ham
2. Sirsir ma ham manadingkon dousa-dousamu ai (paubah uhur-bertobat)
3. Porsaya ma ham bahasa domma matei Jesus Kristus bani parsilang janah domma puho la humbani na matei, laho manobus dosa mu.
4. Ibagas tonggo, ontang ham ma Jesus Kristus ase masuk la hubagas uhur mu janah la mangatur goluhmu marhitei Tonduy Napansing. Jalo ham ma la gabe Tuhan janah Sipaluah bamu.

Tonggo :

Tuhan Jesus,

Pardousa do ahu anjaha mamorluhon hasasapan ni dousa. Porsaya do ahu na dob matei Ham halani dousa-dousangu. Sihol do uhurhu sonari laho manadingkon haganup dousangu. Sonari huontang ma Ham masuk hubagas uhurhu pakon goluhku. Huondoskon janah huhaporsayahon ma uhur pakon diringku hubamu. Ham ma na gabe Sipaluah bangku, hu ihutkon ma Ham gabe Tuhanku, ibagas parsahiran bani gerejamu. Amen

Tanggal :

Tanda tangan :

JAMINAN HUMBANI NAIBATA : HATA NI NAIBATA

Anggo ibagas bulus ni uhurmu do na martonggo nongkan ai,

Nini Bibel :

"Ai sagala na mandilo Goran ni Tuhan in, sai paluahon do." (Roma 10:13)

**Domma tongon ipangido ham ase masuk Jesus Kristus hubagas uhurmu?
Ija do Jesus Kristus ai sonari? Aha do bereonNi hubamu?**

"Ai humbani idop ni uhur do ase maluah nasiam, marhitei haporsayaon; sedo binahen nasiam, sibere-bere ni Naibata do. Sedo humbani horja, ase ulang adong na mamuji diri." (Efesus 2:8-9)

Nini Bibel :

"Simada Anak in, bani do hagoluhan in, na so simada Anak Ni Naibata, seng bani hagoluhan in. Ase husurat on bani nasiam, na porsaya bani goran ni Anak Ni Naibata, ai ma, ase ibotoh nasiam, na dob bani nasiam do hagoluhan na sadokah ni dokahni." (1 Johannes 5:12-13)

Marhitei na manjalo Kristus, itubuhkan do hita hubagas keluarga ni Naibata marhitei horja ni Tonduy Napansing, na marianan bani ganup halak na porsaya. On ma nanginoran margoluh na bayu atap "tubuh paduahalion".

**Halak na dob manjalo Kristus mararti do ai mamungkah goluh na bayu,
na jenges ibagas Kristus**

Laho pabagaskon parsaoan janah parorothon hubunganmu pakon Kristus,
ham porlu :

1. Mambasa Bibel tiap ari, ase lambin mananda Kristus
2. Marsahap pakon Naibata marhitei na martonggo
3. Marsaksi pasal Kristus hubani halak na legan
4. Manombah, marsaor janah mangidangi (melayani) riap pakon halak Kristen na legan bani gerejamu
5. Gabe wakil ni Kristus ma ham I dunia on, pa tuduh ham ma goluh na bayu marhitei holong pakon parhatian mu dompak halak na legan.

**IBAGAS NA MENGKORJAHON IN HAGANUP,
SAI IPASU-PASU NAIBATA MA HAM**

UNTUK KALANGAN SENDIRI

Judul asli Traktat ini : “DAMAI DENGAN ALLAH” (Persekutuan Pembaca Alkitab). Diterjemahkan ke dalam Bahasa Simalungun oleh St. Darman Saragih, untuk Pelayanan Kasih GKPS Padang Bulan Medan.